



Greenlandic A: literature – Standard level – Paper 1

Groenlandais A : littérature – Niveau moyen – Épreuve 1

Groenlandés A: literatura – Nivel medio – Prueba 1

Friday 8 May 2015 (afternoon)

Vendredi 8 mai 2015 (après-midi)

Viernes 8 de mayo de 2015 (tarde)

1 hour 30 minutes / 1 heure 30 minutes / 1 hora 30 minutos

Instructions to candidates

- Do not open this examination paper until instructed to do so.
- Write a guided literary analysis on one passage only. In your answer you must address both of the guiding questions provided.
- The maximum mark for this examination paper is **[20 marks]**.

Instructions destinées aux candidats

- N'ouvrez pas cette épreuve avant d'y être autorisé(e).
- Rédigez une analyse littéraire dirigée d'un seul des passages. Les deux questions d'orientation fournies doivent être traitées dans votre réponse.
- Le nombre maximum de points pour cette épreuve d'examen est de **[20 points]**.

Instrucciones para los alumnos

- No abra esta prueba hasta que se lo autoricen.
- Escriba un análisis literario guiado sobre un solo pasaje. Debe abordar las dos preguntas de orientación en su respuesta.
- La puntuación máxima para esta prueba de examen es **[20 puntos]**.

Allaaserisaq taamaallaat **ataaseq** pillugu atuakkialerinerminik misissueqqissaarneq apeqqutinik ilitsersuutitut ilangunneqartunik tunngaveqartoq allaguk. Akissutinni apeqqutit ilitsersuutitut ilangunneqartut tamaasa sammisavatit.

1.

Pikiulinnguami najugallit nuannattunguupput. Illorujussuarmi piniartortaaasut pingasut qilalugarsuit sisamat tulaassimavaat. Qooqap angutaata, Angerlap, marlorsuit pisarisimavai sanersuttuuginnarsuit. Piniartoqatai allat marluk, Aneeraq Quttorarlu, tamarmik immikkut aamma angisorsuarnik pisaqarsimapput.

- 5 Kangerlunnguup illoqarfisamik sissaanut tulaakkiartulermatigik pisussinnaasut tamarluinnarmik atersimapput. Sissap avataanut pillutillu kalitarsuatik avatartaliinnarlugit sannikarteriarlugit qaannat niguallakkallarpaat nukappiaqqat ningerniaqqaartussaammata. Illeqquusq malillugu nukappiaqqat – taamani katillutik arfiniliusut – sanileriiarlutik siallutik inissipput ujaranguanillu milluutissaminnik tigusisimallutik. Saamillermit isorliusumit
- 10 aallartillutik naasiartuaarlutik qilalukkat miloriartartussaavaat avatartaat eqqornaveersaarlugit. Imartalinngivillugu qilalukkat puttannerinik milornittut siullit sisamat napputtussaapput, tassa qilalukkap qitersua qalasianit talerui tikillugit ningerisussaavaat. Allat marluk kingulliullutik eqquisut uliunnallutillu talerunnattussaapput.
- 15 Illeqquusutut nukappiaqqat inissipput nukarlerpaaq, Aneeqqap ernera Seeqkoq, saamilliulluni isorlersaalluni miloriaqqaartussaallunilu. Qooqa angajullermut tullugami miloriartussat tallimagaat. Qooqamit siulliullutik miloriartut ilaat marluk periarseriorallartillugit Qooqa napputtut pingajoraat, tassa angummi sanersuttoortarsuata aappaa suli eqqorneqanngitsoq torrallavillugu imartaqanngitsumik qilalugaasaroramiuk. Milornitorlu aanaata Alliap aqarallaruja – ilami qitornatuaammat sapeqigamiuk!
- 20 Qilalugartusut namminneerlutik ningissat savimminnik killilersoreermatigik meeqqat ningissaat siulliullugit pilattunit piiarneqarallarput. Pilattut nikallunganngeqaat. Arnaqqussaartaasut marluk, Qooqap aanaa Alliaq, aamma Quttoqqap arnaa Paakka, qutsaserlutik illartitsigallaripput. Piumasut sissami mattattuuttorsuit tappika illorujussuup iluani neqinik inalukkanillu – killoriarlugit ulillugit saleqqissaakkanik – mamarunarnersiuinnarlutik
- 25 qulissiutit uuilersukutsooriarlugit qulissertorsuanngorput qullersuistik taqqeruloorlugit. Apereersimalluni querinnartuummat neqit orsullu quit iluinut qaavinullu iliorarlugit queritsiusiinnarneqarput. Qimmit naammatsivillutik nerisimasut aammillu aluttorusaarlugit. Kikkut tamarmik ikioqatigiilluarlutik pilariarmata sivitsorpallaanngitsoq illorujussuarminnut majuaapput. Iserfiat neqisunnialaaramiliuna!
- 30 Qilalukkap sakiaminersui aapaartut orsorasaartorsuit angutitaasa mamarsaatigaat inalukkanik killuinnakkanik ulillugit uutanik illuperaarlugit. Ningortanguat Alliaq, arnaq peqqissaarluinnartoq ilisimatoorlu, iganermut ilikkarluinnarsimavoq. Ilami qulissigai allanit tamanit soorlu tipiginnerusartut!
- 35 Nerereernerup kingorna ullumiummat qilalukkerinerminnik oqaluasaartut inermata nukappiaqqat angutillu allunaaqattartorsuanngorput. Allunaarsuit paakkutinut ikaartitikkat qaqqivigisarpaat timersuutinillu tamalaanik aliikkusorsorlutik. Inersimasortaasa nuannarinerusarpaat “qajaasaarneq”.
- 40 Inersimasunit siulliulluni Quttoraq allunaarsuit siaqqisimasut marluk akornannut qeqqilluni inissippoq. Allunaarsuit talliminik illuttut ammut naqeriaatigalugit aalassarilluinnarluni isikkani nissiguppaq issiasutut ilerluni. Allunaat illugiit nulumi avataatungikanniannut inisseriarlugit tunumigut saamimminik tiguai saamigullu talerpimminik. Taavalu qaannatut kinngusaqattaartutut iliorluni siullermik saamimmut kinngusarluni makittaqattaalerpoq allunaallu qipinerat naammagileramiuk talerpimmut kinngusarluni makittaqattaarluni. Allunaat
- 45 qippunnerat peqatigalugu makinniartarneq ilungersornarsigaluttuinnartalaruertoq Quttoraq sungiusarluarsimaqisoq eqaalluinnarluni makittaqattaarloq.

Angerlakkut Aneerarlu Quttoqqatulli eqaatsigisorinarlutik tamalaarpassuarnik pissusilersorlutik allunaaqattartareermata nukappiarartaat aamma sungiusalerput.

Quttoqqap ernera angajulleq – taamami Pikiulinnguami nukappiaqqanit angajullersaasoq –

- 50 Mikisuluk siulliulluni avalaappaarpooq. Allunaaq siaqqisimasoq ataaseq tikikkamiuk nissuni talerpilleq qulaatitippaa seeqqumi peqittarfanut pisillugu. Nissuni saamerleq nivingatiinnarlugu siumut uleqattaarluni aallartippoq, Kingornaluu nissumi inissisimanerat paarlaateriarlugu tunummut kusanavissumik uleqattaarluni.

- 55 Taama iliorluni allunaaqattarneq taaneqartarpooq “oqaatsuaassaarneq”. Mikisuluk aqqarmat Qooqa Aneeqqallu ernerisa angajullersaat – Inequnaaluk – Kinguleriillutik aalassarilluinnarlutik oqaatsuaasaarput inersimasortatik assut qungujulaartitaralugit. Tamatumalu kingorna qajaasaarnermik aamma misilikkallarput. Inersimasortaasa tulluusimaarutigisarpaat nukappiarartamik malunnnavissumik eqaalliartuaarneri.

- 60 Allunaat taamatut siaarsimasut atuinnarlugit pinnguaaterpassuit tamalaat pinnguaatigineqartarpoot. Angutitatik allunaaqattartillugit arnartaat piumasut ajagartartorsuupput. Nukappiarartaat allunaaqatanngikkaangamik qimusserusaartarpoot puisit saarninik qimmilfersorlutik. Assaqqut angutitarisarpaat arnartaralugillu akut. Taamani Qooqap angummi aaffattaata assaqqorsua ittoqsiussimavaa, nukappiaraqataasalu ussuit natsillaalluunniit assaqqorsui ittoqutigaat.

Ole Brandt, Qooqa (1971)

- (a) Oqaluttualiami pisimasut tamarmik aaqqissuulluagaasutut saqqummerput. Aaqqissuulluagaaneq tamanna qanoq paasinninniarninni oqaluttualiamillu nassuaasinnaaninni ilinnut oqariartuuteqarpa?
- (b) Atuakkiami uiguutit aalajangersimasut naliliinermik imallit, soorlu –LLUINNAR– aamma –SUAQ, annertuumik atorneqartartut malunnarpooq. Tamanna arlaannik oqariartuummik ilaqrarnersoq oqallisigisinnaaviuk?

2.

Qaallorimmi Illinersiorata

- Illoqarfittaarsuaq
qamunga iserlugu
aniserfissaanngilaq
matua matullugu
5 iggavimmi pullataavoq
erngutsip torlua
milluaavoq
pisoqarpoq eqqumiitsunik:
- Igalaaq kilerporngaa
10 mattutissaqanngilaq
kissarsuut ulinngavoq
qaammat naasimagami
nerrivimmut nippoqqaapput
Inuit tarningi
15 pallinneq ajornaqaat
nipissaanga
nerrivimmut nippoqqaapput
ilama tarningi
pallinneq ajornaqaat
20 nipissaangaa ...
- Illoqarfittaarsuaq
unnugu kiviguni
Tarneq kissavoq piga
puitinniariuk!
25 Naqqani ipiguma soqanngilaq
naamivik
qaavanut puigisa
silaannaqarneraaq:
- Anigaaq piviulluni
30 tungujoq
iminnarik
qimmit taamani pigut
anulerniarlugit!
qaallorimmi illinersiorata
35 nammineq
pavunga ingerlasa
pigiilluta ...

- (a) Taallap naanerata nalaani allassimavoq *Aningaaq* piviusoq. Tamanna imatut paasisariaqarpa taallami piviusuunngitsortaqartoq?
- (b) Illoqarfittaarsuup iluaniinnerup nalaani pisut kinaassusersiut siulleq ataasersiut atorlugu oqaluttuarineqarput naaneratali nalaani, illoqarfittaarsuup avataani pisut qasseersiut atorlugu oqaluttuarineqarlutik. Tamatuma qanoq pingaaruteqarnera nassuiarsinnaaviuk?
-